



Broj: 03-2671/26
Đurđevik, 03.06.26

Na osnovu člana 70. stav (4) Zakona o javnim nabavkama Bosne i Hercegovine ("Službeni glasnik BiH" broj 39/14; 59/22; 50/24), Zapisnika o ocjeni ponuda od 29.05.2026. godine i člana 48. Statuta Rudnik mrkog uglja "Đurđevik" d.o.o. - Đurđevik, Direktor i Prokurista Rudnika mrkog uglja "Đurđevik" d.o.o. - Đurđevik, donose:

ODLUKU

o poništenju postupka za javnu nabavku usluge *Hemijska analiza jamskog zraka i analiza izduvnih plinova*

Nakon provedenog Konkurentskog zahtjeva za nabavku usluge: ***Hemijska analiza jamskog zraka i analiza izduvnih plinova***, postupak nabavke se PONIŠTAVA u skladu sa članom 69. stav (2) tačka d) ZJN BiH, odnosno jer nijedna od primljenih ponuda nije prihvatljiva.

OBRAZLOŽENJE

Po obavještenju o nabavci za javnu nabavku usluge: ***Hemijska analiza jamskog zraka i analiza izduvnih plinova*** broj obavještenja: 350-7-2-147-3-238/26 objavljenom na Portalu javnih nabavki dana, 18.05.2026. godine, Tendersku dokumentaciju preuzelo je 4 ponuđača, a njihova imena su navedena u Izvještaju o preuzimanju tenderske dokumentacije, kreiranom 29.05.2026. godine.

Rok za dostavu ponuda bio je 29.05.2026. godine do 11:00 sati, a javno otvaranje ponuda je zakazano za 29.05.2026. godine u 11:30 sati u prostorijama Rudnika.

Na osnovu poziva i Obavještenja o nabavci svoju ponudu u datom roku je dostavio slijedeći ponuđač:

- 1) Ponuda sa prijemnim brojem 19-2591/26 od 29.05.2026. godine,
Ponuđač: "Institut za zaštitu, ekologiju i obrazovanje" d.o.o. Tuzla.

Javno otvaranje ponuda je dana 29.05.2026. godine u 11:30 sati izvršila Komisija za provođenje postupka javne nabavke imenovana Rješenjem direktora i prokuriste broj: 03-2376/26 od 14.05.2026. godine.

Javno otvaranje ponuda izvršeno je u skladu sa članom 63. Zakona o javnim nabavkama i sačinjen je Zapisnik o otvaranju ponuda.

Zapisnik sa javnog otvaranja ponuda i zapisnik o zaprimanju ponuda je dostavljen ponuđačima istog dana.

Komisija je na zatvorenoj sjednici, izvršila uvid u ponude, te konstatuje slijedeće:

- Ponuda ponuđača "Institut za zaštitu, ekologiju i obrazovanje" d.o.o. Tuzla se odbacuje kao Nepravilna, jer nije u skladu sa Tenderskom dokumentacijom. Naime, ponuđač nije dostavio ispravno popunjen Obrazac za cijenu ponude (navedena je opcija ponude 10 dana, a tražena je opcija ponude 60 dana). Pored toga ponuđač nije popunio dio vezan za plaćanje, odnosno nije naveo uslove i rok plaćanja.

Na osnovu preporuke komisije, direktor i prokurista donose odluku kao u dispozitivu.

Pravo žalbe

Ponuđač koji je učestvovao u postupku javne nabavke po ovom predmetu i koji smatra da je Ugovorni organ u toku postupka prekršio jednu ili više odredbi Zakona o javnim nabavkama BiH, ima pravo izjaviti žalbu na postupak, na način i u rokovima utvrđenim u članu 99. i 101.

Žalba se izjavljuje URŽ-u putem Ugovornog organa u pismenoj formi u roku od 5 dana od prijema Odluke o izboru najpovoljnijeg ponuđača.

PROKURISTA

Y.D. DIREKTOR


Dr.sc. Nurdin Čehajić, dipl.inž.mas.


Samir Bulčković, dipl.inž.rud.



DOSTAVLJENO:

- ponuđačima,
- arhivi.